

Raa jenua uai

Palabra de buscar buenas cosas

Hipólito Candre (HC)

Adofiki (Cordillera), río Igaraparaná, junio 28, 1992

| | |
|--|----|
| Mei aiyi uriya uai baifene aki daiitade, daijanomo yñikaide. | HC |
| Iemona aki daii uurite urue aiyi nabefuena ja jenua uai meñote. | HC |
| ¿Nieze eroikano raa jenoka?, ¿niie uaido?, ¿niie komekido?, ja daide. | HC |
| Ie jira raa jenua uai ite, nano fueñe meñoga. | HC |
| Meñota, raa jenoka, nia raa oga. | HC |
| Ie mei meñoneñiadi mei oñega. | HC |
| ¿Nieze eroikano jae ua mooma jenode?, daide, ¿nieze eroikano jae eiño jenode? | HC |
| Daina komekido jenode. | HC |
| ¿Ninomo ite?, koni daide. | HC |
| Ja ua meñote, ¿ninomo kioide io finode ari raa atiyena? | HC |
| Meita atiredeza danomo eroide, eroidemo ñue kioide. | HC |
| Ie jira ja mairie finode, ua mairie ja finode, biedo ari atiitikue ñue. | HC |
| Akie izoi eroikana raa jenua uai ite. | HC |

| | |
|---|----|
| Meita ebire atide, iekoni moomo dukiitate, iekoni moo iobite, iekoni eiño iobite. | HC |
| Ie jira moo daide, ua iizana komuidio; eiño daide, ua kue iizana jokoritikue, ja iobite. | HC |
| Fimaika urue, yetaka urue, raa jenuana onodimie, raa jenoyena fimaika. | HC |
| Mei onide, daide, onina jira, daide, beno iteita, raa jiyakimo ite, moo komekimo ite, uafue. | HC |
| Nii raa naama, mei ¿nieze ieñede uaido buu jenoride?, nabezido yinoga. | HC |
| Nia ñue bite, dinomo ñuera uaido kome dukiide, jitaiyanona jikade iñena jira. | HC |
| Uafue, moo daide, ite, daide, jenodimie iiga, jikadimie iiga, uafuedo. | HC |
| Akie izoikana ari raa atia uai. | HC |
| Ñuefuemo duuide, kaimafuemo duuide, imie ebire jiridote, imie ebire iiga, zuufuemo duuiñede, rairafuemo duuiñede. | HC |
| Ie izoi eroikano jae ari rafue atika, fia ua jifanoyena atiñega, fia ua yaguedoyena atiñega. | HC |
| Kai komuiya raa, ñuena jira, diga jiza nikidoga, ebirena jira. | HC |
| Ie jira diga jiza eroidimie moo komekimo itifuena. | HC |
| Kai iena ie komuitaga, fui jitaitimie jikaiadi iiye, dainanona iite. | HC |
| Ie iadi fimaidimiemo duuide, ebe uainamo jitaiñede, yaguefuenamo jitaiñede. | HC |
| Jae einamaki akie izoi guite, ñue uriya baifene rozii riede, oogodo riede, juiñoi jirode, jii bie dute, yera mete, afe baifene. | HC |
| Ie jira einamaki jae tuuiga io, birui kai | HC |

tuuiñega, fui iedo jitaídímie jaaiyena raa
ari atiyena.

Atiano komuitate, atiano jebuitate,
imiemo ite, jitaídímie oyena.

HC

Nii moo ua naama, nii ua raa naama,
rafue naama, nii ua uina kioide, ie
fuemona bairede, jefona kakaide,
¿ninomona?, biko jiyakimo, ui kioide,
jefo kakaide.

HC

Ie jira moo finode, eiño finode, jaieniki
iena moo urue eroikana rafue ari atide,
komuiyafuena bite, guiyafuena bite, nii
ua moo jenoka.

HC

¿Nieze mei taino kai yoiride?, taino
yonide.

HC

Akie izoide dainanona uruiaí yofuete,
ringoza yofuete.

HC

Mei onina jira iki komekina uairede.

HC

¿Neemei buu jeruika?, buu jeruiñega,
akie izoide.

HC

Jaka mei jenodímie baite, iñedeita iñede
kai daiiri, ite, daide.

HC

Iyado kaadikai, iyado jirodikai.

HC

Iñedenia mei komuiñedikai, meita moo
komekimo rafue uurite.

HC

Ie izoi kai komekimo rafuena uurite,
ñuera taijie komena jafue finoñede,
komena meaidaitañede, uafuedo atika,
jenoka, baiga.

HC

Akie izoikano jae moo uriya uai, nana
daamie komekimona komuide, daamie
komekimona inide, daamie komekimona
taijide.

HC

Aki raa jenua uai ñuefuena monaide,
kaímafueña monaide, dinomona ja
onoiga, moo komekimo monaide, eiño
komekimo monaide.

HC

¿Nieze mei ua iñede kai daiiri?, kai

HC

| | |
|---|----|
| fɪnokaita ñeiri, moo fɪnoka. | |
| Meita moo komekimo nana uafuena ite, dinomo zuufuena iñede, dinomo rairafuena iñede, dinomo irafuena iñede, nana ñuera, nana fɪgora. | HC |
| Jadie izoide ite iki komekimo duuide, jiaikimo duuiñede. | HC |
| Nii mei ua fɪnodimie, nii mei ua naama. | HC |
| Meita ñuera raa jenodikai kai komuiyena, ¿nieze mei iñede kai daiiri? | HC |
| Idi jenoka raa uai ñuefuena ite, kaimafuena ite, diga jiza komeki zuitade. | HC |
| Meita zuitara jira duera iadi aiyo kaimarede, aiyo farede, akie izoikano jenoka. | HC |
| Nana moo ie aki dinomo duuide, daajedo jaka jofokai oga, daajedo jaka ua amena kai tieka, daajedo airiroki kai daina, daajedo gakue kai oga, kai jenoka. | HC |
| Jenoka raa mei ua kiona, akie izoidino. | HC |
| Meeredino jiyaki daaje izoide, jenua uai ite, atia uai ite, fɪnonidino jaka fɪnoka. | HC |
| ¿Neemei kai uibiyino?, ¿neemei taino omoi daiiri?, tainona iñede, iñedenia mei kioiñena, ie mei jaka ite. | HC |
| Ie izoikano iya meinona bie rafue iñede, kai daina. | HC |
| Fia kai onoiñena, fia kai jenoñega, jaka ua dueredimie jenode, iñena jira jenode. | HC |
| Imie mei ua komuitate, nana raa mei ua jenuamo duuide. | HC |
| Ie fia dinomona tainona uuritikainiadi mei dinomona mei komuideita taino kai yoiri, komuiñede. | HC |
| Taijidimie mei kiode, taijidimie mei baiga. | HC |
| Ie jira baiya uai, baiya komeki, ie jira | HC |

| | |
|--|----|
| afeki komekimo duuide. | |
| Akie izoikano mei jae moo jenode, mei moo komuitate. | HC |
| Ie meinori mei kai daaje izoide uaido mei kai jenojadi kai atika, atika mei meine jaaiñede. | HC |
| Koni nabezido atikaza mei ua ¿nine meine jaaide? | HC |
| Aki dinori mei kai onoi figo baiñede. | HC |
| Ie jira afeno baiyena onoi fimaika, rafue yinoyena, onoina otimie mei yinoga, nabezido. | HC |
| Ie mei taino uaido mei minikana iñede, ite iadi mei onoiñenano iñede, daide. | HC |
| ¿Nieze mei yoite?, nanomo jaaiyamo duuide, jikanomo duuide. | HC |
| ¿Buu jaka jiaima raa ua bainino atiñede?, naamamo jikanoga. | HC |
| Akie izoikano ja ua jenokano bite einamaki mei yoga rafue, daama kue uibiñega, daama kue ua taino kue yuaita ñeiri, uafuena jira kue yoga, taijidimie mei onoiga, taijiñedimie onoiñega. | HC |
| Ie izoide ja kue ua akiki komekido kue jenoka, nana kuemo ua monaide. | HC |
| Ie jira kue mei meairuiñeno uuritikue, meairuiñeno yotikue. | HC |
| Akie izoide. | HC |